

Kalendari i lutjes “Ngritja e kampionëve” Qershor 2019

1. Ne do të përlëvdojmë ty o Zoti dhe Mbreti ynë; ne do t’i këndojmë lavde emrit tënd përgjithmonë! Çdo ditë ne do të lavdërojmë emrin tënd! I madh je ti Zot dhe i denjë për lëvdimin më të lartë dhe madhështia jote është e panjohshme. (Psalmi 145:1-3)

2. Një brez do t’i shpallë lëvdimet e veprave të tua tjetrit dhe do t’i njoftojë mrekullitë e tua. Do të mendohem thellë mbi shkëlqimin e lavdishëm të madhështisë sate dhe mbi veprat e tua të mrekullueshme. Këto do të flasin për fuqinë e veprave të tua të tmerrshme, dhe unë do të tregoj madhështinë tënde. (Psalmi 145:4-6)

3. Zoti është i dhemshur dhe mëshirplot, i ngadalshëm në zemërim dhe i madh në mirësi. Zoti është i mirë me të gjithë dhe plot dhemshuri për të gjitha veprat e tij. (Psalmi 145:8-9)

4. Tërë veprat e tua do të të kremtojnë, o Zot, dhe shenjtoret e tu do të të bekojnë. Ata do të flasin për lavdinë e mbretërisë sate dhe do të tregojnë për fuqinë tënde, për t’u bërë të njohura bijve të njerëzve mrekullitë e tua dhe shkëlqimin e madhërisë të mbretërisë sate. Mbretëria jote është një mbretëri përjetë dhe sundimi yt vazhdon brez pas brezi. (Psalmi 145:10-12)

5. Ti Zot, je i besueshëm në të gjitha premtimet e tua dhe besnik në gjithçka që bën. Zoti përkrah tërë ata që rrëzohen dhe ngre përsëri në këmbë tërë ata që janë rrëzuar. (Psalmi 145:13-14)

6. Sytë e të gjithëve shikojnë drejt teje duke pritur, dhe ti u jep atyre ushqimin në kohën e

duhur. Ti e hap dorën tënde dhe plotëson dëshirën e çdo qenieje të gjallë. Zoti është i drejtë në të gjitha rrugët e tij dhe dashamirës në të gjitha veprat e tij. Zoti është pranë gjithë atyre që kërkojnë, pranë gjithë atyre që e kërkojnë në të vërtetë. (Psalmi 145:15-18)

7. Pali u shkroi Romakëve të gëzoheshin në shpresë, të ishin të qëndrueshëm në shtrëngime dhe këmbëngulës në lutje. Lutuni që etërit t’i modelojnë këto karakteristika tek fëmijët e tyre. (Romakëve 12:12).

8. Lutuni që bashkëshortët t’i rezistojnë tundimeve të epshtit ndaj grave ose imazheve të grave dhe të gëzohen me gruan që kanë. (Fjalët e Urta 5:18).

9. Jezusi tha se ka gëzim në prezencën e ëngjëjve të Perëndisë qoftë edhe për një mëkatar që pendohet. Lutuni që etërit do t’i mësojnë dhe inkurajojnë fëmijët e tyre të përkushtohen të ndjekin Jezus Krishtin si Shpëtimtar dhe Zot (Luka 15:10).

10. Burrat mund të përballen me sfida në punët e tyre, që mund të shkaktojnë zemërim ose ashpërsi me familjet e tyre. Lutuni që ata të marrin fjalët e Jakobit në zemër dhe ta konsiderojnë një gëzim të madh kur vijnë sprovat. (Jakobi 1:2).

11. Ka fuqi në fjalët që burrat përdorin. Lutuni për burra dhe etër që të përjetojnë gëzim kur fjalët e tyre inkurajojnë dhe ndërtojnë familjet e tyre (Fjalët e Urta 15:23)

12. Njeriu preu vijën e jetës me Perëndinë kur ai nuk iu bind urdhërit të tij dhe u bë një mëkatar.

Satani, mashtruesi, është tani mbikqyrësi i tij. Por, për shkak të fitores së Krishtit në kryq, ne mund të jemi të lirë nga mbizotërimi i errësirës dhe të kapërcejmë tundimet. Lutuni që Krishti të ripërtërijë mendjet e burrave dhe t’ju japë fitore mbi skemat e Satanit. (1 Gjonit 2:15-17)

13. Jeta e krishterë nuk është një shëtitje në park, përkundrazi është një garë për një shpërblim të përjetshëm. Lutjuni Zotit t’ju bëjë një burrë, që e disiplinon veten dhe ashtu si një atlet, qëndron në garë, duke u përpjekur të fitojë kurorën. (1 Korintasve 9:24-27).

14. Burrat janë përgjegjës për atmosferën shpirtërore në shtëpinë e tyre. Mirëqenia e familjeve të tyre varet në faktin se si ata rrënjosen në Fjalën e Zotit dhe parimet e saj. Jini një studiues i Shkrimit dhe lutuni që gëzimi i Zotit do të rrezatojë gjithçka që jeni dhe bëni. (Ligji i përtërirë 11:18-19)

15. Martesat u themeluan nga Perëndia dhe mund të jenë parajsë mbi tokë kur dashuria agape është në të. Për këtë arsye sillni egoizmin dhe krenarinë tuaj tek Jezusi dhe lutuni që ai do t’ju aftësojë ta doni gruan tuaj ashtu si ai e do kishën, me hir dhe në mënyrë sakrifikuese. (Efesianëve 5:25-28)

16. Sigurisht që është një bekim kur një burrë ka sukses në punën e tij. Nëse ky është rasti juaj, jini mirënjohës dhe lutuni që ju do ta mbani prioritetet e duhura në lidhje me familjen tuaj dhe vlerat e mbretërisë së Tij. Ajo që me të vërtetë ka rëndësi në jetë nuk është ajo që kemi apo bëjmë, por ata që jemi në sytë e Perëndisë (Luka 12:20)

17. Kur një mik i krishterë kapet në mkëat, mos u tregoni të shpejtë në gjykim. Përkundrazi, përpiquni ta restauroni atë butësisht ndërsa luteni për urtësi (Galatasve 6:1). Kujtoni gjithashtu se ju jeni një mëkatar, i shpëtuar vetëm nëpërmjet hirit të Perëndisë. Falenderoni Perëndinë për mëshirën e tij pafund.

18. Apostulli Pal i mësoi mikut të tij Timoteut se si duhet të sillej shërbëtori i Zotit (2 Timoteu 2:24). Lutuni që Zoti të ndihmojë ty ta jetosh jetën tënde sipas atij vargu.

19. Atë që Perëndia e quan mëkat, edhe ne duhet ta quajmë mëkat. Në mbretërinë e Perëndisë nuk ka të vërteta alternative. Lutuni që Zoti do t'ju japë aftësinë të kuptoni Fjalën e Tij, dhe hirin ta aplikoni atë në jetën tuaj të përditshme. (Psalmi 119:101-104)

20. Të jesh një ndjekës i Jezusit është më shumë se një përvojë shpirtërore. Kjo do të thotë të tregosh në mënyrë praktike dashurinë e Tij tek njerëzit e tjerë. Lutuni që Zoti do t'ju tregojë si të sillni një ndryshim në jetën e njerëzve të tjerë (Isaia 1:17).

21. Të kalosh kohe vetëm për vetëm me Zotin është thelbësore nëse do ta njohësh Atë më mirë. Lutuni që krijuesi i qiellit dhe tokës do t'ju ndihmojë të ndani mënjane çdo ditë një “kohë cilësore” me të. (Mateu 6:6)

22. Jezusi na thërret të dalim nga bota ku vlerat dhe moralët po zhvendosen gjithnjë e më shumë (Gjoni 17:6, 16). Lutuni që si burra ne të jemi të zellshëm dhe të kujdesshëm që të mos komprometojmë bindjet biblike, por të jemi burra shpirtërorë të Perëndisë.

23 Si burra të krishterë ne jemi ende “në botë” por “jo nga” bota (Gjoni 17:15). Lutuni që si burra të mund të ndikojmë ata rreth e rrotull nesh për Perëndinë ndërsa nuk dorëzohemi para tundimeve që na rrethojnë.

24. Tek Gjoni 17:17, Jezusi tha se Fjala e Perëndisë është e vërteta që na shenjtëron. Lutuni që ne si burra të marrim një ushqim të shëndetshëm nga Fjala e Zotit, do të meditojmë në të ditë e natë në mënyrë që të jetojmë jetë të frytshme në këtë botë (Psalmi 1).

25. Gëzimi i Jezusit është tërheqës në një botë të konfuzuar dhe të lënduar (Gjoni 17:13). Lutuni që si burra të perëndishëm, ne do të manifestojmë gëzimin e Jezusit si frytin e frymës së Tij në këtë botë të rënë.

26. Sekretet për një jetë të krishterë të gëzuar, me fitore dhe rrezatuese gjendet tek Gjoni 17:23, ku Jezusi lutet: “Unë jam në ta, dhe ti në mua, që të jenë të përsosur në unitet.” Nga kjo bota do të shohë Jezusin në ne: “që bota të besojë se ti më ke dërguar.” Lutuni që ne ta lejojmë Jezusin të jetojë jetën e Tij në ne.

27. Më fal Zot kur u besoj aftësive të mia në vend që ta nënshtroj vullnetin tim, mendjen dhe emocionet e mia Frymës tënde të Shenjtë. Të lutem më forco, kur jam i dobët. Më korrigjo, kur e kam gabim dhe më mpreh kur jam i topitur. (Predikuesi 10:10)

28. I dashur At qiellor, ti më bërë birin tënd, kur pranova Zotin Jezus si Shpëtimtarin dhe Zotin tim. Që prej asaj kohe zemra ime dëshiron të bëjë

vullnetin tënd. Por e pranoj që shumë zëra po luftojnë për vëmendjen time. Të lutem më jep dallim për të njohur zërin tënd dhe për t'i rezistuar tundimit që tërheq mishin tim. (2 Korintasve 11:3).

29. I dashur Zot, kultura moderne rebelohet kundër mësimet e Fjalës tënde. Si burra, jam bërë i pasigurt në rolin tim në martesë dhe familje. Shkrimi shpall se si Krishti ka autoritet mbi burrin, po kështu burri ka autoritet mbi gruan e tij. Më ndihmo të reflektoj Krishtin në mënyrën se si e dua dhe i shërbej gruas time. (1 Korintasve 11:3)

30. I dashur Zot, ti ke krijuar njeriun që të jetë një administrator i përgjegjshëm i dhuratës së jetës. Por, shpesh herë impulset e natyrshme dhe nxitja e mishit tim më çojnë në tundim. Të lutem më mëso të disiplinoj veten dhe të nderoj ty në gjithçka që mendoj, flas dhe bëj. (Jobi 31:1)